

十



鹿裘石室集卷第十九

宣城梅鼎祚禹金著

詩

七言律

送陶明府遷南郡丞

山川信美尚依然形勢三分割據年早見荊州
超從事還憑楚國問先賢巴江濤白消春雪郢
樹空青出曉燿政暇倘呼醅醪醉應懷種秫舊
公田



寄江陵張澤民中丞

冰雪燕京憶別初，秋風闡海賦歸歟。
斗光仍閃飛空劍，壁影虛懸舊賜車。
萬玉碧鮮湘圃竹，百函縹潤鄴侯書。
吳雲郢雪江千里，西上微波雙鯉魚。

寄劉紹興公恒

漢庭玉樹賦青蔥，豈厭承明出禁中。
金簡秘探神禹穴，竹符分鎮越王宮。
千重洞壑天台接，三島雲霞海路通。
先守郡祠清德在，一錢端可繼

高風

送張郡丞還桂林時伯氏方爲藩長

君家嶺表擅風流，佐郡名高謝朓樓。
雙向雲中誇比翼，一從天際識歸舟。
經瀧瘴盡蒼梧曉，及粵林芳桂樹秋。
爲問江東步兵在，尊鱸鄉味昔年遊。

送孫子剛地師

曾從日馭歷人區，但隔雲車望帝都。
重到似應歌白雀，長遊爭好識青烏。
尊前一水遙通楚，杖

底名山半入吳回首敬亭知不厭可能還爲卜
居無

過姚敘卿使君延秀閣戲題

茗茗高閣水泠泠水面雕欄牒畫屏地闢秦淮
留王氣天迴牛斗辨文星塔光虹起遙相照山
勢龍蟠若有靈只少渡頭雙檝在桃枝婀娜柳
條青

荅林叔度宿瓦官寺閣見寄

城陰澁勒半林斜輭草雙趺飯一麻業淨六時

持寶律詩成千步發金沙臨江秋色開樓觀度
海潮音帶洛迦已許東林修社事勞君先種白
蓮花

南都寒夜感懷

禁城楊柳半蕭森風雨淒然起越吟客夢青溪
二三弄篴鄉心淮海十年砧但餘皮骨猶奔走虛
負聲名任陸沈中夜聞雞還起舞悲歌惟有一
沾巾

秋夜同朱在明郁文叔侯師之管彥懷諸

君集何比部公露侍御和仲園居

美酒名園坐夜分
胡牀三弄月中聞
移山石氣生蒼靄
繞樹秋聲下白雲
曲水樓臺諸異狀
草堂猿鶴舊同羣
金庭更起凌空館
兄弟親承九事文

湘君館得花字

何勞夾轂問君家
上客爭停白鼻騮
爲買蝦蟆陵下酒
儘看朱雀桁頭花
雙鬟璧就歌中月
三少丹成鼎內砂
疏檻曲房迷處所
只餘初日麗

升霞

頓姬坐追談正德南巡事

姬之先有優頓
仁擅琵琶及角

妓王寶奴
俱見幸

武帝時巡蹕舊京主謳鉤弋並蒙榮
更衣別置宮楊繞蹴踘新場御草平
徧選檀槽催鳳拍忽傳金彈逐鶯聲
寶奴老去優仁遠坊曲今誰記姓名

送吳比部奉使北上便歸豫章爲太夫人

壽

北極承恩賜對初暫因將母賦歸廬霜前黃
鵠曾傳曲雲外青鸞有報書上國觀風推季札
中園送喜奉潘輿章江草映春波綠早望還朝
四牡車

初冬南歸別湘君

蕭娘怨別復蕭辰紅損流珠翠損顰落葉不堪
持贈客名花難得久留春鴻聲叫斷雲仍續馬
首看殘月似新有夢何知歡已歇錦衾角枕尚
橫陳

獻歲送朱司理應召

隔歲徵書下法臺錦帆催向練江開春雷驟振
王正月魁象遙臨帝上台瑣闥孤忠懷補闕
金門大隱識僊才批鱗攬轡俱能事矯首高天
力可回

其二

親按程書若發型阿衡始命自司刑俄聞獻納
開東觀快覩扶搖起北溟一憇甘棠留故國兩
收竹箭貢明廷蓬萊雲氣金莖露聖主端

鹿裘石室集卷十九
五
居集百靈

荅張比孟雪中見投

垂髮相聞見面稀
向知鄉曲意多違
座中小異將無是
海內虛名自覺非
新草占年甘共卜
殘梅驚雪苦教飛
環城山好留君住
醉眼來看玉一圍

子馬授郡從事南還有贈

千秋作賦許升堂
一命新霑過舊鄉
白馬青衫何處郡
紫鸞翠館少年場
竹書莫惜從民事
蘭

佩終知是國香
出入周旋須自愛
漢廷原不薄貲郎

春夜蒲上集羅子昭子厚錫余子馬泰符

因憶舊歡

春來雨雪不曾停
梅已飄殘柳禁青
新歲乍窺臨水月
昨宵猶忌照泥星
談深秉燭忘更跋
坐半傳杯出古型
轉憶瑣窗人醉夜
柘枝雙舞珮泠泠

文脊之柏視寺募建千佛閣以詩代疏

丈六千身徑寸心刹那飛閣佇森森瞿硎舊隱
山遺石長者前因地布金初界威儀開象教諸
天梵唄下空音須知涓滴俱皈海自替韋馱直
證今

春日放舟至水陽

出郭沿洄問舊津俄聞二月巳中旬雲端殘素
峰峰雪風末微青樹樹春獨往自憐饒勝引羣
芳如喜及嘉辰宵分買醉龍溪市酒釀花明月
似銀

送麻如水司封出叅冀南時在告自家起

補二首

太行北界繞汾原河朔襟喉晉大藩銓筦九流
皈水鏡旬宣十部擁朱轡朝端一出懸公議
國是終期定衆誼早晚承明重謁帝御筵啓
事向來存

其二

僊郎掉臂下燕臺蓬戶俄驚絳節催勢重股肱
新置郡品懸甲乙舊題材追風屈乘空羣櫪如

水汾清飲一杯授業西河兼扞魏斯人物色到
蒿萊

荅孝豐吳翁升見寄約遊天目

新詩歷歷問前遊寶闕香臺望轉幽碧漢星榆
堪紀歲白門風柳又驚秋孤雲半榻留同卧明
月遙山照獨愁我憶祖花開幾葉年來諸有向
空求

朱山人謁許太傅還宣城復有他適

東還花老敬亭春又折衰楊送遠人餐乞軒皇
分鼎藥醉從丞相吐車茵一坏閩海魂空寄孤
櫬江淮涕尚新裘馬十年餘感激到今難惜倦
遊身

綺霞閣荅蒲圻任兆慶使君

六代豪華半入蕪挂帆南下問菰蘆繭綸獨釣
任公子蘭佩分遺楚大夫五色閣前霞散綺千
條筆底露垂珠老春好在堪留客雪冷梅香傍
酒壚

送王元甫舍人使祭襄府

西持玉節秘書郎卹命遙臨俎豆光晞露向聞
歌楚些雄風猶憶賦襄王千秋耆舊遺先傳同
姓諸侯表別疆玄嶽相望標帝時五龍宛在白
雲鄉

送孫司理入賀

其先爲延陵徒滇

萬歲嵩呼萬國歡共持金鑑表金鑾舊鄉吳俗
題君子邁種虞廷試理官霞氣曉占臨御仗
露華秋湛捧僊盤天心仁愛方多警聖主端
居禮泰壇

過章父叔城東莊居

蕭然吾亦愛吾廬寄矚東田興有餘好映遠山
催緩帶每經修竹借停車銷憂暇日登樓賦力
食逢年種樹書湖蟹乍肥骰酒熟江南風味暮
秋初

除夜追懷辛卯北還于流波館守歲

每望南雲苦憶家去年守歲在京華烏衣巷口
曾沽酒翡翠窗間試頌花曲浦相逢捐漢珮前
溪罷舞脫蠻靴客遊未覺歸能勝舊夢燈寒護

卷十九
九
絳紗

早春喜晴

晴曉游光接夕曛
山山嵐氣半氛氲
春隨綵筆花生早
雪盡青郊草漸熏
行障乍開臨遠水
輕裕纔就惹纖雲
鞠塵絲柳城東陌
時有新鶯出樹聞

寄壽吳醫劉會卿

曾游名社識耆英
似托靈樞寄隱情
座唱鵲鹽如玉侍
家傳鴻寶化金成
桃花淥水浮吳舸
竹葉清尊挂楚纓
誕日轉緣隣佛日
長生兼得悟無生

送許處州彥貞入

覲兼寄湯遂昌義仍

燕雲如馬望騰驤
越水飛鳧共頡頏
天子青陽居左个
使君畫軾領東方
春防海島夷情變
夜識金銀地氣荒
定有璽書相問勞
御環兼得賜平昌

送尹令公

才地同時盡讓君
試臨花縣挹蘭芬
山陰令譜

從鄉授江左風謠徹 御聞僊陛一莫重紀歲
神霄三素近瞻雲獻春郭北歡迎處波綠雙溪
陌草薰

六叔母郭太夫人七十敬陳圖咏

紫芝曄曄碧蘭幽三實蟠桃歲萬周一幀丹青
圖瑞應雙棲翡翠賦仙游花封 御誥天文麗
木序真書雲篆留雅望尚聞懸柱石雞鳴交儆
侍宸旒

送孫司理赴南戶曹

久瞻法座正威儀新拜郎曹領度支照電鵠亭
傳讞牒貞風雀角爲陳詩東南重賦輸民力豐
鎬陪京肇 帝基榷稅采金相望出叩天誰許
借恩私

荅郭舜舉憲使

五湖爲長領煙霞猶憶傳經出絳紗尺素春波
來檣李幾年炎嶺寄梅花老看筆健占神王早
說丹成却鬢華千仞清溪女兒畔仙源應得泛
仙槎

王蒲江之官寄傳伯俊重慶

風生臺閣憶當時西徼猶然滯一麾已拓夷荒
稱有截豈臨劇郡歎無竒漢庭新奏巴渝舞青
管遙傳黑水碑千里思君共明月平羌江水影
峩峩

其二

世外交情十載餘同歸金竺半生虛漸諳偈頌
詩隨就尚苦聲聞酒未除知現宰官爲說法偶
逢關令借傳書郡齋儘有菴羅地何必雙林是

淨居

寄巴郡蹇中丞

東封司馬計全疎西國中丞卧有餘海汛早辭
遼督節雪消春寄蜀江書雞鳴晨省還驚舞龍
隱雲閒任卷舒故吏適今爲府主舊臺煙月憶
姑胥

送博羅黃郡丞入賀兼上績

千秋金鏡九霞觴銀艾垂身接御香早見龍池
雲五色新瞻鶴禁日重光穎川計吏懸卿望江

夏稱童練國章家在羅浮種仙藥長生端合祝
今皇

寄壽水部叔夏鎮

飛鳧兩覲玉宸宮分署玄熊地獨雄暫出繡衣
滄水使仍看赤鳥黑頭公彭封壤接借錢壽夏
鎮名留錫禹功爲頌河清清似酒桃花春浪鼓
春風

其二

共識冰心映玉壺因占畫省卽玄都梅岑溟海

開仙胄水監蓬萊領帝符雲路翻飛鴻遙羽春
筵新唱鳳將雛直期綠野從黃髮盛饌銅盤出
後厨

送黃郡丞赴南司農

宛城冰雪映亭臯出祖衣冠應接勞主壽兩
稱朝北極郎潛初願乞南曹珂鳴舊闕盧龍月
筆擁空江白鷺濤國計只今憂不細况聞民
力盡秋毫

其二

鹿裘石室集卷十九
地重陪京卜澗瀍 詔因主計借才賢共傳雅
道陂千頃屢職勞人郡十年鶯囀握蘭清署曉
烏藏疎柳白門煙期君吟賞逢春色多在城南
杜曲邊

送麻甥伯顧赴銓

雖非常日得相依自未經時作遠違實望爲吾
成宅相猶憐有母在庭闈隨人歲月微資祿催
客風霜早授衣遙想玉河青遍柳初騎官馬出
皇畿

游先民見訪出示湯義仍詩依韻

問知來月閏春三到值梅枝暖向南憶我照心
餘宛句有人被髮在江潭夜闌一榻清分夢雪
霽千峰翠抹嵐蘭署舊時招客處可仍細帽拂

斜簪

未爲義仍招
梅生篇語

何叔度自章元禮所至卽訪錢使君廬州
廡下仍淹三載餘銓郎貧主客何如老狂併與
才情減多病因教酒伴疎陌上春衣挑菜後尊
前寒食落花初淮廬大有閒田種蒼卜清茗已

定居

夏日西樂菴訪澹居鎧公追憶香林和尚
西郊風物日初長緣熟時時到上方天目真僧
新結制香林老子舊開荒散齋餘粒禽叅午敷
坐清陰竹供涼地僻由來堪恣夏直教橫足向
閒牀

送葉文光叅知乞老不允復赴杭嚴

千騎東方舊使君主恩移鎮越江濱鷓飛未許
隨風退驥老猶超躡日羣干象好占桐瀨客射

潮兼督水犀軍西湖小隊孤山舫到日蓮花錦
作雲

月邦弟於開元寺左剎別峰菴初過有作
遙聽開元舊寺鐘誰從黃檗問遺踪三千大界
留餘地五十初叅有別峰偶到不辭新闢草再
來多恐是栽松棠花交映茵陳熟百遍相過信
短筇

錢簡棲見訪要登天柱閣得湯義仍前秋
書及詩有一枝梅在敬亭心之句

唐表石室集卷十九
十五
玉茗金英幾度開敬亭猶寄一枝梅
羈棲遠道書遲達夢想平生客
乍來河朔呼尊逃暑會湘靈
鼓瑟異時才山青雲白波如鏡
試上凌風百尺臺

蕪江歌姬周華去伎爲尼募建準提菴

莫問尋香更阿誰何妨卽色爲修持
迦陵本是僊音鳥優鉢曾開連理枝
識盡空花方得果定來止水不生漪
布金傳語諸年少最勝從前買笑時

秋日史府君招登疊嶂樓

尊開北望火西流平楚蒼然爽氣浮
共道政成多暇日由來眺遠最宜秋
年豐歌吹宵填市雲霽嵐光晚上樓
漸覺醉深催進酒憑闌猶自理筵篔簹

秣陵送孫唐卿歸海虞寄趙玄度

霏紅沓翠秣陵城相見鐘山對眼明
先問西陽搜逸典每談丙夜坐嚴更
清秋菊蕊催携賞白露蒹葭惜去程
爲語平原趙公子布衣十日酒

能傾

感舊寄鄒彥吉使君往王弇州雨花分詠
主賓七人有竹林吾總愧朝簪之句今
惟彥吉及余在

幕府清驪尚在衿廿年踪跡總浮沉皈心佛許
開蓮社把臂人憐散竹林兩水鏡光虹對繞九
峰黛色翠爭臨何勞相望空相憶新曲還來試
賞音

寄吳興姚叔度兼追懷長君伯道往年叔
度在余金陵客舍方度曲驪笑王弇州
司馬適過余俾叔度終一曲去前輩風
流今何可得因併及之

春波茗雪遮雙魚何似扁舟叩隱居最愛難兄
交誼好自安賢婦宦情疎白蘋草引洲前望紫
筍茶從廟後鋤猶憶金陵高唱發却逢驃騎正
停車

送汪初明歸新安侍祖讀書時尊人僑居
余郡

鹿裘石室集卷十九
歸鴻目送悵離羣霜後城東木葉紛侍祖代供
豐樂水懷親還望敬亭雲月窺虛幌叅雞語霧
隱深林養豹文瞥眼春風生瑞草松蘿先附尺
書聞

高亭兄六秩暨嫂程夫人雙壽

金掌西瞻露氣濃璇圭南至日華重落毛遺粒
同清隱萬个千頭比素封星聚高陽標舊里風
遙吳市衍僊宗大茅今已傳丹訣白鶴新分治

一峰

長公環溪兄善玄理
而七十不衰因及之

馬郡博自晉闡還拜國博北上便壽尊公

司馬

絳紗舊列羨扶風 丹闕新銜拜澤宮多士如
雲收晉問美材時雨化吳蒙陽回王氣黃圖北
算益仙方碧海東履襪迎長歌獻壽上林春早
待鳴驄

還蒲上將移入山簡諸宗

何事經年始一歸竹林茅屋尚依依貧思善後
鄉居好老悟從前市隱非臘雪凍除荒徑草春

風吹長故山薇歲時簫鼓東村社耆舊追從願
不違

吳福生舉長君二十八年而再舉子時方
與長君並應京兆舉作此慶之

相門佳氣藹克間再見弧懸廿載餘蚌出雙珠
光未老鳳成五采翼先舒雲屏隔座榮朝會寶
札傳家捧御書吳氏有宋理宗賜丞相潛詩札近報桂枝秋色
好香風吹月上翠裾

送季方叔赴廣右憲長先兩任梁

粵西瀧遠接烝湘風豁星巖極眺長官越外臺
名易起人于中歲別難忘霜清一路黃茅瘴月
映千林綠桂芳時向蒼梧望雲氣使君旌節舊
遊梁

畚胡司封正父過里門見示出京候調之
作

題才雅譽在朝端別省芳薰舊握蘭清畏人知
翻忤衆恩緣 主聖許移官暫休汝騎應從減
一息溟鵬定再搏莫謂南來阻西笑霸陵回首

望長安

影戲

紙屏一番素光新人物俄然百態陳宵燭內熒
潛現伎日輪懸照惜傳神步依苔理凌波滑粧
映芙蓉半面真三載窺臣歌有意近前猶隔宋
東隣

畚東越李成白閩吳更伯見投時並寓道
宮子方杜門兼閱更伯采真記及成白
掌書藍後素詩

滿耳蜩蟬沸若雷况看赤日起黃埃采真約住
長春觀謝客因疎避暑杯地主無能留閔叔廬
兒有意勝方回由來閩越稱同城莫爲先秋別
思催

送陳郡丞赴南戶曹二首

公先嘗
爲南郎

含香漢署昔年曾猶喜郎潛更秣陵郡澤常懸
金掌露君心直映玉壺冰公卿先得何如長穎
洛高名起自丞欲識去思無限處千尋嶂疊一

江澄

其二

清谿雙帶送僊舟
新水粼粼積雨收
畫省風流隨得地
白門雲物正宜秋
雖親錢穀脂無潤
却少朝參意轉幽
數載郡齋吾絕跡
勞懸一榻下

南州

送胡正父司封調南儀曹

麴塵絲柳喜遷鶯
春日春曹折贈行
廿載新銜淹散局
百年舊禮重陪京
鍾陵氣王瞻雲美
淮水吟高映月清
自是賜環明主意
知君久矣

欲藏名

壽許彥貞八兄七十與觀音大士誕同日
兄嘗爲處州丞若守近惟有魏姬在侍

與君小小約雞壇
風背扶搖九萬搏
香界座蓮生佛子
括蒼符竹領僊官
尚留南嶽夫人侍
更攝西方大士觀
七十常佳真大慶
好分邛杖得

輕安

未見周益州帖

贈汪初明舉秀才

與余孫鴻中肄業

當年同館碎藏芸
此日新宮頌采芹
越國累傳

楊祖武 明庭初薦擅人文一毛是鳳先成彩
千里爲駒已絕羣家慶方重稱燕喜遙從斗下
望青雲

攝起荅湯嘉賓司成屢過

病容雨態混朝昏帶孔頻移瘦幸存身執精靈
猶獨寤業荒骨肉總無恩堦侵苔碧時新眼江
繞楓青漸返魂傳得五龍酣睡法自稀剝啄到
閒門

送萬司諭北上春試

宜興萬宗伯之族

幾載風流擁絳紗衣冠集送上京華遷鶯漸出
龍池柳走馬新看黿禁花五夜珮聲趨曉漏三
春袍色映朝霞知君舊有尚書履經術由來世
起家

送董廣文遷思恩令

久向臯比授講徒還從龍水探玄珠一經繁露
傳家學百里蠻煙縮令符出郭省農啼格磔臨
池戲詠躍姬隅南天日映桑榆暖莫以炎荒畏
遠途

癸丑元旦試筆予年方六十五是時桃杏
盡開

少年今日競歡娛
俛仰蕭然一老夫
凋後經寒占柏葉
讓先遊世等屠蘇
卦圖周復陽重畫
圭景舒長日緩驅春
氣乍暄來太早
一時柳眼賺花鬚

奉寄金使君西華

江南春到浴蘭時
每憶高齋宴賞宜
疊嶂更開牕北岫
萬人新拜郡東祠
洛花映彩歡承座
梁竹抽毫賦夾池
共道補天須巨手
媧都雲幄應占期

程君達出近詩自言學袁中郎戲荅

餘論吾何惜齒牙
吳山淮水句清嘉
虎賁貌欲中郎似
優孟歌從楚相誇
巧可彎弧穿柳葉
戲將執板唱蓮花
捧心終恐無妍態
還學西施去綰紗

懷谷三叔七秩

諸父行中壽較添
稜稜鶴骨雪微髯
子星已過

商瞿數客宿能來漢史占負耒躬勤逢歲穰如
弦性直儘時嫌碧筒歡進年年酒紅板長歌管
昔鹽

荅蘊璞愚師過宛見贈

鴻泥隨處跡堪留駐錫何須定石頭宛上山依
黃檗老淳西湖湛白蓮秋道高魔向名中起游
倦交宜世外求已約與師焚筆研夜燈朝粥便
休休

送汪君度歸華亭爲壽時近中秋且留之

出山仍舊住他山不向朱門納履還游子久驚
千里外畫師多在五茸間臨岐圓月留分賞相
憶孤雲獨去閒秋爽鱸肥堪入饌高堂碧酒渥
丹顏

送許道甫憲使飭兵辰常

宦游北駕復南轅班馬蕭蕭衆不喧蘭草正宜
拳楚澤桃花今異避秦源駐年九轉丹砂就閃
日千行赤羽翻文獨讓君兼武備騷壇曾昔奉
鞞韃

鹿裘石室集卷十九
三
荅黃池雷居士兼訂開元閱藏之約

流澌殘臘報春生對雪新裁郢調成
多日蓬深張蔚宅幾年花發楚王城
臨溪纓濯高人影布地金傳長者名
聞向開元探海藏一千龍象待經行

夏日携宜伶蒲上子綦兄以病不與會
貽詩致豔有北牕羲皇之語奉荅一章

向來相逐少年場老去猶存舊態狂
君自北牕眠白日我携西部理清商
度聲雲住紅牙板軟舞風單碧玉裳
卻笑才名曾忝竊祇從顧誤說周郎

贈右覺義清公

半仗皇恩半佛威早從鹿苑奉鑿闡
合依祇律操丹管不礙僧兼愛紫衣
蓮漏更疑宮箭出柏香常引御煙歸
碧空無際流觀處朱戶蓬門誰是非

鹿裘石室集卷第十九終

鹿裘石室集卷第二十

宣城梅鼎祚禹金著

詩

五言排律

送崔伯温赴大司馬方公塞上兼呈司馬
插羽傳南牧從戎賦北征共看投筆起還似弃
繻行元老推方叔縣營命夏卿黃沙通大漠紫
塞接邊城細柳軍容肅飛蓬磧路平旌竿天外
直鼓角地中鳴星列分千壘秋高合五兵鵬盤

戰塵黑鴈唳戍風清漢月金河滿胡雲鐵嶺橫
遡周無上策繫虜有長纓許市聊情餌犁庭更
議成歌方聞杖杜妖已厭櫓槍帷幄謀先伐壺
漿恐後迎遙知寶車騎幕下得崔生

遊三天洞

真界臨遐僻靈工破混茫幽玄通地肺虛白敞
天光神漢春回薄妖精日跳梁葱青攀玉樹窈
窕隱瑤房積冷應留雪含暉似凝霜鼎存猶守
虎石化久爲羊搜詭驚龍蟄凌空逐鳥翔高深
疲耳目昏旦變陰陽清賞冷然奏歸心憺欲忘

豔詩贈沈二

華燈九微出羅薦滿堂開笙寒調尚澀弦脆響
逾哀上客毋遽起佳人引密陪薄頰方怯御淺
笑忽驚來挹潤明窺玉聞芳暗襲梅送嬌詎一
態展昵略千回鵲爲填梁道鸞將上鏡臺所悲
遺下體無使間羣猜高駕凌霄動新妝拂曉催
東南飛孔雀五里一徘徊

敬亭舟中送故府君羅公入京

敬亭一相送三月柳成絲竹馬迎山郭驪駒載
水涯衣冠俱出祖杖屨暫追隨乘鷁緣峰轉聽
鶯度峽遲文翁曾化俗畏壘故崇祠再借人同
願留中 帝或私所欣吾道泰歌詠中興時

早秋北樓宴呈王使君

何處堪遙集西風敞北樓賦原王粲出跡是謝
公留迢遞臨三楚崢嶸繫九州山川縈檻合河
漢抱檐浮城雨驅殘暑江雲澹蚤秋投壺來電
掣行酒映霞流以遇緇衣好還陪絳節遊陳詩
知俗美坐嘯見名收一日龍門入身應在上頭

對亭菴送張侍御謫嘉興司理

青驄逢舊使白馬啓新林暮向諸天別春回大
地陰此行承譴薄在近荷恩深樵李司刑職長
楊諫獵心臯因懷楚璧身自許南金煙雨成高
眺郡有煙雨樓冰霜動苦吟餘威留繡斧幽怨寄瑤
琴磬折看人過雄飛定爾任無生君本學豈復
歎浮沈

贈貢東平爲壽

難老緣天錫重庥自帝申道高名竝斗神王物
皆春五馬徵良日三鱣集瑞辰朝賢爭結襪門
士半拖紳共惜懷中璧終爲席上珍壯心猶伏
櫪素業在垂綸紫氣占關令玄纁避漢輪杖前
迎白鹿庭下走蒼麟問禮通家子譚經侍坐人
平生切仰止終歲望嶙峋

王宜人輓歌

髡髮芝泥寵驚心柳絮辭雞鳴勤內職蘋采肅
閨儀已協同牢願猶借指穴期驪珠幽自照鳳
吹迴相隨遺挂蒙塵網空庭絕履綦鈿車勞夕
望寶鏡掩朝窺夜雨懷諷樹秋風擢桂枝五花
依日近寸草報春私愁緒殘機在哀音雜珮垂
占星沈婺彩望月隱蛾眉儻受還蒐術姍姍步
幄遲

寄答西亭宗侯

有序

宗侯名標玉牒體備金聲局觀甚明苞擷亦
富鴻開兔苑笑梁孝之無文燕集雀臺庶陳
思其接武猶且登鄒枚于上座寘應徐爲兩

楹可謂矯矯出羣翩翩濁世矣廼者薄采菲
葑無以下體遙揮藻翰締之神交報執轡之
下夷門杼茲短賦從歛笙而上緱嶺布此先
聲

奕葉 皇圖大分茅 帝澤長龍駒原出漢駟
馬亦從梁靈嶽千秋降中朝一德良維城隆翼
衛卜邑會陰陽造次儒流習從橫藻翰揚傳經
追子政應詔屈思王賦就光凌雪篇成氣挾霜
樂歌陳武德冊府直文昌賓客看成列鄒枚獨
擅場遨遊情自美丘壑道難忘陪乘猶遙阻緘
書遂遠將何殊親執轡兼復惠承筐修竹清池
上三花少室傍天潢瞻衍派地肺擬尋商鴻寶
君能授緱山鶴共翔

五日昭亭同龍使君湯義少汎舟暮別

蒲觴開令節蘭漿蕩中洲天闊疑無際波平似
不流緣源疏島嶼夾岸帶林丘丹嶂行相照青
蘋坐欲秋五絲堪續命匹練迴生愁連艦龍爭
鬪曾城蜃或浮湘纍目眇眇楚水思悠悠共弔

唐書石室集卷二十一
孤臣跡因隨上使遊風華君謝朓暮別客湯休
一醉揚帆去昭亭片月留

陪都書懷奉酬大光祿銅梁張公

瓠落終何意蓬飄任此身時情青眼貴舊業白
雲貧瑟誤操齊市衣看化洛塵瞻眉良謝馬着
膝幼慚荀牛走名原賤龍登譽早新誰能先物
色公實重人倫榻下南州數尊開北海頻空羣
勞一顧涸轍起窮鱗千里遙相傳連城敢自珍
高山欣有託明月豈無因埃後深藏草承先愧
析薪鳳毛徒歷落雞肋且逡巡岐路堪垂涕江
湖欲問津

送沈君典北上

大道直如弦長安在日邊十年培健翮萬里奮
遙天召對賢良集臨軒策命宣綵毫方五色黃
石定三篇剖璧虹光出縣金駿骨前聲華看奕
世侍從儼神仙雁塔題名迴龍門斂錦鮮銅盤
承露掌玉樹擢甘泉昔忝聯潘轡今先着祖鞭
南山歌自苦北斗望空縣鵬鷄無勞問飛沈各

有緣

春日陪張有光侍御集家兄宅

但得尊長滿何能坐不深游燕歌少和休汝騎
初臨夜霽星河徹天寒鼓柝沈席前依玉樹燈
下寫瑤琴雨砌苔光曙春池草色陰形骸吾土
木寤寐爾山林片語心俱遠流光鬢欲侵醇醪
真自醉薄俗見知音

壽武陵丁太宜人

卿雲晴署迴 王氣曉陵長有母爲星婺將雛

拜地郎秦鸞分半鏡陶鵠泛清商涕盡枯銀海
春殘下寶妝蘭心孤對月蓬鬢颯驚霜自行當
機訓能延授簡芳神畿丹轂麗 天闕紫泥香

未返瞳全碧空傳綬已黃壺中人發秘肘後爾
何方玉杵供靈藥金針捧夜光潘輿遊轉勝萊
綵舞增狂設悅依南國鳴珣出北堂連眉揚日
月引手變滄桑鹿乘駮油犢龍膏合露漿高松
挺寒節寸草報春陽彤管名堪著瑤池宴每張
還移大江水深注九霞觴芝砌瞻羣秀桃源故

一鄉丁家歸舊鶴華表並翱翔

奉酬南京巡按御史齊郡耿公五十句

蘭臺何鬱鬱滄海自泱泱樂奏齊風大經探孔
壁藏官仍周柱史名起漢星郎近侍瞻天表長
材練國章殿中班振鷺仗下立神羊清響搖蒼
佩危言借尚方棲烏窺獨坐避馬肅同行八彥
因 皇狩單車指 帝鄉東南猶重鎮豐鎬本
興王定鼎河山壯披圖氣運昌璽書三輔月繡
斧九秋霜行部徵謠俗持衡慎激揚龍門多士

入虎穴少年亾刈莠嘉禾長留棠奕葉芳微蹤
勞記憶先業苦荒涼毀骨支牀久招魂度些長
撫孤將剖宅拜母遂升堂墓挂游徐劍囊分使
越裝齒牙增倍價翦拂冀騰驤自信貧非病誰
憐醒亦狂殊施應莫報茲義向難忘感極常思
奮憂來未有方臣今稱草莽公合在巖廊願正
中台位遙依北斗光雲泥看迥隔天地總蒼茫

孝陵恭述

上陵歌美美望氣鬱蔥蔥曆數歸 真主天誅

鹿裘石室集卷二十一
造牧宮腥膻驅漠外禮樂起寰中踞虎因遷鼎
攀龍忽墮弓精靈千古在號泣萬方同松栢瞻
依肅熊羆守衛崇金鳧深汎夜石馬動嘶風積
阜珠銜鳥飛空劒吐虹 神孫今奕葉 烈祖
自英雄月朔衣冠出明禋雨露通周京終卜洛
漢業舊從豐欲識朝宗意長江日向東

永寧寺同吏部沈徵父顧道行周國雍僧

廣禮雨中集木末亭

還乘僊署暇聊作化城游雙樹高僧臘孤亭坐

客秋江光蟠郭動雨氣入林幽地迥雲常宿山
空梵易流逃禪翻覓醉習偈亦成謳覺路金篋
導玄言玉麈收片心澄似水萬劫悟如漚日暮
能無別吾將擬惠休

君典東歸湖上逢沈嘉則以近集見寄遙

申贈答

太史吳中返還從湖上行四明有狂客千里寄
同聲道在貧何病詩傳老益精向高浮白興業
已殺青成峻槩鄞山竝洪瀾越海橫黃公原舊

里沈約是前生帷幄叅軍事江湖任俠名片言
雙璧重一諾百金輕書祕堪藏西僊游欲化丁
東行真氣滿南望少微明問歲予垂壯論才爾
亦兄因風遙報李計日遂班荆

寄葉子憲召拜給事時東南諸郡大水

內詔傳星使中朝拜夕郎黃金收駿骨青瑣接
鶴行近侍聞天語追趨繞御香 聖明無闕政
封事更連章愛國私焚草憂時戒撤桑危言忌
忌諱旌直動輝光災眚頻關慮東南近荐荒水
維真自緩天漏竟難防秋渚哀鴻失春林語燕
翔察眉愁擾擾矯首問蒼蒼賜對知君事 皇
恩望發倉

贈巴郡寒觀察暨王太夫人壽詩六十韵

峨眉甲震旦井絡叶星躔岳降原非偶雲開必
有先盤根承祖烈奕葉挺才賢賦幸同時獻經
勞積日研鵬騫風九萬鯨掣浪三千司馬新鈐
祕鳴鳩舊署聯運籌頻借箸退食一調絃滅虜
心期赤爲郎思苦玄尋看襍被去仍賜 璽書

專分陝甘棠詠臨關道德篇豸冠嵬太華熊軾
頰秦川露渥金莖掌花窺玉井蓮雕題移化粵
揮手更投滇重譯徵來雉炎蒸畏跼鳶家應存
素業歸豈待華顛叱馭遊雖壯抽簪意已堅驅
何榮負弩宦董薄留壇威鳳終難下冥鴻遂杳
然雅懷諧牝壑健羨繇漁淵托興詩兼史逃名
醉入禪蹲鴟供野客快犢破磽田萊婦堪偕隱
樊姬欲並僊雛由丹穴異蟻出碧波圓賈席彪
猶怒荀龍爽競前雄譚真嶽嶽濁世亦翩翩霄

漢瞻搏翼冠裳喜接肩會朝因隔座周道各鳴
鞭題柱齡初弱分符歲少延虞封誠戲爾晉國
莫強焉姑射神凝雪絲山俗禁煙繭絲輸保障
木鐸歷周旋善祝憐懷螺將升報集鱣觀風齊
本大問禮魯能傳文武俱爲憲東南竟特遷海
光浮組練農器息戈鋌奉 詔嚴防塞登壇遠
護邊烏臺尊獨坐豹略寄中權斧鉞乘秋連旌
旂傍斗拳折衝馮俎豆指顧掃腥膻勛勒神丘
碣 恩頒御府錢胡烽愁截漠卿月照隨燕疆

直法從近惟輕罰尚平情深矜畫地望著力回
天 帝理咨明弼人倫待鏡銓所生知不忝再
命見隆宣北闕麒麟畫西池玳瑁筵高門停駟
馬清胄綴貂蟬蜡合嘉平月龍飛十七年柳梅
春乍麗袞繡曉相鮮絳縣聞推甲空同授妙詮
蘭香宜作配桂父久攀緣膳徹鸞厨脯漿斟鹿
洞泉眇予聊樸邀令子謬陶甄衆口寧爭鑠孤
生藉曲全游揚虛以實翦絨醜成妍曾結廷中
襪追尋郭下船若翁均愛戴壽母共蹠躔遙挹
江如酒慙操筆似椽雲霞契永固雨露寵長偏
元老方交泰 今皇正履乾

爲周元孚騎曹悼亾

同心環乍解纏臂縷空長奉倩情偏篤安仁鬢
覺蒼餘春凝唾碧明月剩流黃宛轉潛通夢歲
綈遽歇芳白團非棄置彤管自飛揚立望疑重
幄成文憶七襄忽乘雲雨去何處問巫陽

慈壽寺同太常張公瞻禮有作

恒星占泰運慧月映坤儀鷲嶺依城起虹梁截

海移飛薨雲合蓋層塔日重規璧帶鈴風響珠
含網露垂函函俱貝葉樹樹是瑤枝刻楮宣宸
藻圖蓮傲御池靈鳥朝更翳栖鴿夜常危我后
時遊豫徽慈歲祝釐人天開境曠皇路駐輪遲
優鉢供花女琉璃誦藥師名香諸壑繞清梵半
空遺飯出中厨饌幡裁內錦絲宮嬪從膜拜近
侍應新詩詎爾懷禪悅瞻言永孝思偶承君沐
暇得借佛光窺尚憶回鑿處龍文五色馳

送鄒孚如吏部扶侍歸雲夢

題才推樂鏡將母奉潘輿漢殿書銜鳳湘江食
饌魚春明護茂久秋老橘榮初善祝頻依杖長
懷慰倚閭東征曾擲管北望待鳴琚雲夢由來
大還朝獻子虛

贈劉令君奏績二十韵

赤縣神君化洪都哲匠材參龍先可述馴雉物
何猜表裏冰壺徹秋毫水鏡開曙星臨蓋出時
雨逐車來惡莠宜從艾名花已遍栽挹流鱗避
吸遵渚鴈辭哀吏候多清燕文星富艷裁有餘

原歲計無在不春回露奏騰閭闔風謠布草萊
陟明虞典重徵異漢輪催世望崇南斗榮光燭
上台鸞文銜玉軸蟬采挺珠胎偃僂期三命仁
功積累培抗章蘭省入高宴栢梁陪羣品蒙鈞
惠孤生拔衆摧實難調吳火亨自起屯雷噓沫
仍勞齒蹄泠免曝腮探懷寬蕩涵誦德盛恢良
慕宓琴攀宰干齊瑟匪媒雙鳧翩不極朝會建
章臺

題鄭思成司農招隱園兼寄尊公大司馬

賜沐朝叅簡爲園野興濃池疏雞距水石寫鷺
頭峰桂冷宜招隱松高不待封筆花何若若書
草一茸茸三益羊求徑雙羣鹿豕蹤翳然濠濮
想宛爾礪阿重詩自庭中授人疑谷口逢琴尊
陳左右環帶具春容置驛賓朋集登高杖屨從
東山謝太傅北海鄭司農冠珮權因跡煙霞癖
任攻乘時遞舒卷吾信德猶龍

送李博士赴南雍

向今關國望從昔重人師經術傳高第橋門

識舊儀玄湖歌在藻
鍾寢頌來思象服三鱣
兆中興五鳳時南金身自許東箭衆收奇此地
餘壇草年年化雨滋

送孫司理攝郡入覲兼令弟偕計北上

萬年綿寶曆五瑞輯彤宮
滄海歌重潤黃圖卜
正中當陽親受計就日願抒忠幅烏朝方岳東
南重鎬豐帝猶勤左顧公甫肇元功瑤簡探
能祕金科斷愈工覆盆纍徹照正席士傾風湯
網開三面虞門達四聰携琴兼少鶴畫軾暫從

熊屬玉祥初考帑金賜獨隆法星懸耿耿王氣
望蔥蔥清世宜鳴鳳還期定避驄履成周道直
材挺楚威雄苑杏輝聯萼庭蘭馥並叢塔題仍
序雁劍合競飛虹次第僊班遙逶迤御禁通憩
棠餘蔽蒂恭梓荷帡幪文似耽揚子經傳媿小
同不常勤晉接曾一挹謙冲儻借扶搖力相將
送薄躬

盧封公雙壽

仕國推彊晉名家系范陽鸞和調玉律燕瑞薦

瑤筐並齒緣天合齊眉映日蒼星高聚汝潁風
儉挹陶唐畊饁如賓禮庭趨有義方潛龍雖勿
用威鳳已先翔丹穴羣雛異青霄一羽長博文
勤緝柳戰秭捷穿楊鳧化占仙令龍興肇帝
鄉并刀刃新發冀乘首初驥據案無留牘鳴琴
不下堂心清事能省道泰物從康拔薤豪宗歛
驅鱗士習莊令嚴投雉局望峻折貂璫式版稽
丘甸橫征弛澤梁春巡因問俗秋作早登場岷
岵頻勞陟軒車遠共將敬亭雲倚蓋宛水月臨
妝四境驩聲洽重闈喜氣揚盧敖五岳杖王母
萬年觴秘字靈飛甲真謠韵叶商火流西候爽
斗近 北辰光葵饌官厨供芝泥 御檢香翟
冠珈秩秩霍繡珮鏘鏘勝會欣親遘通家列子
行跡殊疎偃室穎獨處毛囊善頌勤三祝成章
媿七襄教忠移自孝翊 聖佇惟良更願燕蘭
夢行依淮桂芳承顏偕履順奕世定恒昌

燕喜篇壽謝母程孺人六袞

清商方應律圓魄漸升輪華渚虹流近軒臺鶴

馭隣籌添東海算酒介北堂親帝瑟伶爲虎僊
厨脯是麟鷄鳴交致傲睢偶定循倫彤管潛書
美朱門實作嬪齊眉舉玉案稽首拜金巾樛木
王風古蘭蓀謝砌新多財號良宰觀國尚嘉賓
象服來 馳寵烏衣盡雅馴鴻圖開永曆燕喜
慶茲辰歲歲秋風裏靈諶得占春

壽李汝濟母

指李仙宗遠飛葭顥氣生母原稱益壽子復應
長庚彤管方流譽丹函早署名淪神遵术序恬
養糝藜羹一味分甘徧斑斕按舞輕龜臺授秘
策鶴嶺和吹笙蘭茝芳堪佩琅玕寶競呈日行
南陸永斗向北堂傾梅逗春前豔諶經雪後榮
吾因歌燕喜庶爲叶嚶鳴

汪長者受業宛上與予比隣及其歸老新
都傳之仲子歲上元日爲七袞覽揆之
辰賦得愛川爲祝蓋長者之別號也

大好新安詠茲川信可珍若人何所愛惟德庶
爲隣上善符冥契澄清照絕塵影堪振馴鷺潤

唐表石室集卷二十一
足挹枯鱗千頃汪汪曉層瀾澹澹春漸江分盛
派宛句布文淪如練橫吹穀垂虹引釣綸二龍
出乎輿三鳳起河津西母臨池宴東皇出谷辰
方流記玉水微火轉燈輪世澤延華胄恩波降
紫宸佇期縈藻繡奚假濯衣巾

隱君東樵翁以七月旣望壽屆七秩令子
時魁方移新居賦祝

玉露星流瑄瑤蘇歲獻樽趨庭看化鳳攷室仰
翔鴟通德初題里高車每映門杖鄉徵舊典饋
醕沐新恩願以霞光唱承君雲景轅

壽五從兄文麓翁有序

長兄文麓翁鸞栖暫寄一試花封龍德占潛
蚤歸梅市里稱惇史庭富佳兒以茲屆歲乙
巳吉日庚寅壽登六秩序屬三秋大火初流
長庚載曜凡我弟兄子姓修祝進觴命噉不
腆之詞願衍無疆之慶

金飈歛應律玉醴薦延年宦績仇香傳歸來靖
節篇鴻冥亦何慕夔屈自求全難老瞳雙碧占

耆鬢獨玄人喧辭隱市 帝力詠畊田負戴風
期合縹緗世業傳名駒看跋趾雛鳳接聯翩學
向星肝博文從月脇穿琳琅均國寶綸綍佇
朝宣蔗境隨時進蘭庭映日妍高陽題舊里介
壽秩初筵桃獻經三實禾登滿百廛棣棠歌韡
韡爛綵舞僊僊大有方稱歲長齡共祝天更增
漿挹斗良謝筆如椽

壽會南渠六秩

舊里題通德傳家有孝經金芝方翕斂玉樹正
蔥青真繕馴龍性身輕似鶴形素封等千戶清
漢集雙靈大火流西候扶搖起北溟承華仙史
露占象老人星益壽籌難算長生酒易醒天文
賁綸綍祖烈式儀刑言眷陵玄酌長持獻紫宸
壽叅知公六從父七十

仙源探玉笥瑞曆紀瑤編芝挺九莖秀花開四
照妍絳齡書亥字楚賦紀寅年巖邑鳴琴理河
流捷石堅䟽洳胼胝就輸運舳艫聯圭錫加優
秩淮儲攝憲權威聲通八省勞績底三川主計

名方薦先幾疏乞還投閒謝輪鞅養默蓄淵泉
南郭身從隱東山望久縣瓠宮思舊烈蒲轍召
遺賢宛句琉璃水春風玳瑁筵冰桃初實在林
竹故蒼然龍壁生烟采蠙珠孕月圓願將鳳雛
曲歌獻兕觥前

鮑令君秋蘭詩

共羨神明宰端爲道德師力能回造化政並攝
威慈當此蕭辰候俄窺淑景遲幽蘭向春豔新
蕊發秋姿物以非時貴人從化日熙香因稱國

重瑞自應圖奇馥馥仁風布泠泠惠露滋菊英
餐並益桂子振相宜在握趨丹闕含芳蔭玉池

壽劉夫人七十有序

太夫人之以新婦秉家政也日臨於堂上而
朝夕上食若生存也者孝矣相思惕公理逋
籍收奴客出納有經式以益恢前人之遺緒
材矣學其子以賅博庠胄競爽試輒冠羣慈
而兼嚴矣而必欲其子爲賢人君子又非止
督以顯融也居常不貳膳不純采用不越屑

福不唐捐然而不肯腐其財務施好予潤及
宗戚君子則以爲儉而中禮且仁焉古者國
有女師家有母范顧或脩一行具一美亦未
有純懿備善如劉夫人者也今壬子秋仲一
日劉夫人壽登七袞二子方偕舉京兆鹿鳴
之歌與燕喜之謳相諧應蓋一時奇觀盛事
哉里俗有所祝頌咸繡之屏障迺鼎祚有所
不敢者傳有之天子居北學則尊爵而尚貴
故北鄉之土風殆然余賤士也忝爲思惕公
友婿稱館甥於唐援維私之誼敬賦五言長
律一章以潛致元弔伯仲尚不敢聞于劉夫
人况可冷貴紳大夫之齒乎其辭曰

玄德遙從汭炎精本紹唐含珠占叶瑞得玉配
能良偶值濡期際重開奕世昌淪斯逸徒御燦
忽背尊嫜孝享循晡旦招徠服紀綱壺儀時肅
肅田祖歲穰穰旣富傳仁附多才訓義方卯金
紬策秘乙火映藜光書獻驚連牘文成燦七襄
風輪雙矯翼秋駕並鳴驤客賀稱將母賓興利

用王扶輿養官省聯琬陟 朝堂名顯身俱泰
齡增老益康西池授鳳笈北極錫 龍章桃實
常經熟蘭孫迭播芳游神博紺縹舉目觸琳琅
善事爭翔集先聲更藉揚邢姨今獨盛寮婿昔
同行衿帶驩承慶笙簧樂未央一星瞻寶婺千
算祝瑤觴

壽後潭陳丈七表

有序

後潭先生者嘗與余同鄉校有聲籍甚制行
矚然余羣從多爲先生門弟子而從子士治
其婿也茲者玄默次于歲御望舒會于星紀
其月壬子厥日庚子爲先生七十初度治屬
余有所以爲先生壽者名高泰岱旣尊丈人
之峰晚達朝家正合菑川之歲子稱燕桂紹
恩誥于鸞回孫馥謝蘭行薦書于鳳舉賦言
二百祝算三千

潭水鑑空碧稽山聳嶷嶙此中誠福地其下有
賢人天穴棲仙骨風池起涸鱗虹精宗繼媯鳳
繇胄昌陳國史稱儒行真書紀外臣太丘原道

廣末俗得風醇開講芝窗舊摛文蔗境新釣璜
興渭澤對策首平津娛性饒三樂延齡進七旬
履長逢暢月庚降叶初辰琴瑟驩偕婦荆蘭舞
悅親趨庭子學禮隔座世垂紳奕葉傳黃卷扳
花重紫綸陽回谷方暝日至坐如春應瑞圖懸
雀迎祥饌擘麟叩枝侍頤養米汁助精神芹采
曾同席桑陰近比隣拍肩隨老友短髮剩閒身
遯隱吾慙市觀光爾用賓五言嗽小草千算祝
靈椿

贈郡太守汝南馬公入覲

有序

郡侯天中馬公之爲吾宛也冲簡廉靖洞識
大體諸所規畫恥爲一時炫赫之名而務養
百世和平之福鼎小子旣代郡邑大夫言之
矣語具兩序中鼎祚一介陳人也戢身羣籍
性命苟全絕跡公庭紹介無事侯頗垂接引
之雖奉面不數而雅念良勤鼎祚私脉脉感
也惟是擊壤康衢諷帝力而誦皇猷者皆年
八九十老人及二二三童孺下至郡國若馮君

唐表石室集卷二十一
兄弟之詠成都襦袴之謠類出天真非繇人
重豈如晚近之借名薦紳飾美卷軸而已竊
附斯義敬采宣郡之故實援唐體而賦二十
五韵公熊首北征之日庶可以備轅歌而勞
僕御也迨夫歸德 聖主稱長者之言猶王
生之進渤海乎則我公之溫共有讓也其著
久矣

天中真氣滿日下美名傳經術原推馬功勛起
跼鳶白眉超後乘赤鬣着先鞭燕闕青綸出姚
墟墨綬懸海澄稀警舶潮響應鳴弦鳧候靈臺
化鶯從上苑遷虞箴陳禹跡即位擢官聯瓠子
河渠志梅花水部篇虎符漢使領熊軾晉城專
流戶驩歸郡降胡戒近邊此方畿輔重易地
主恩偏玉節移星駕金陵合斗躔勝殘聞息獸
治小體烹鮮吏叛停殊制民醇訟棄田高齋宜
嘯詠宛渚更清漣報政循良最來賓譽命宣羣
龍仍薦璧千騎動連錢卓異遵成典榮光 賜
御筵北辰新雨露南國舊山川臥轍留遺老追

鹿裘石室集卷二十一
鋒望若仙 宮雲三素繞卿月九霄圓王會元
正集神朝 聖壽絲自慚虛畫諾公實惠周旋
文似吾衰甚冥飛何慕焉并州儻再過騎竹迂
江壩

爲長洲令胡仁常壽其尊太公李太夫人

七秩雙封長律 令黃州人

聖胄延虞汭真源記瀨鄉德門天合好壽域日
開祥江漢英靈著蘭蓀奕葉芳爲儒適逢世令
子蚤登郎列宿遙相映長庚迥益光優遷俱赤

縣授業獨青箱材自兼羣軼清猶畏衆揚練川
澄遠照茂苑轉新陽千里河同潤三吳斗一方
中丞顓薦達上理藉匡襄樂職宣猷盛歌謠化
俗良經緣飾吏治名特擅詞場令譜傳丹雘玄
文積縹緗人倫皈藻鏡國器識珪璋濟濟周楨
集煌煌漢道昌進賢蒙 帝簡封錫賁 宸章
鷺繡金緋璨魚軒寶轂張恩波深震澤勝躅播
荆湘就養供陪鼎承歡戲舞裳孤卿行踐閣加
命遜循墻僊李盤根固莊椿挺幹蒼更誰占甲

子曾幾閱滄桑粲齒瞻妃笑齋心祝祖香親祈
千歲樂 主獻萬年觴

七言排律

陳子野明府邀遂閣逢魏季朗小集

是日
子野

寫竹烹茶
故句及之

五柳依然繫紫駟鳳城握手又清秋久懷司馬
三篇賦每問元龍百尺樓別去刀環曾有約再
來車轄尚堪投一珠魏倩遙相照連璧潘生得
竝遊玉遂只今風月夜金陵自古帝王州墨池

竹影初疑動茶鼎松聲細欲流隱士清名傳谷
口高陽舊侶臥壚頭愁看星聚還星散短榻應
勞爲我收

巳卯歲除感述兼貽海內游好七言百句

除夕虛堂百感新疎燈濁酒傍誰親歲華暗怯
流單闕風俗仍教簇五辛極地榮光瞻鳳闕環
天淑氣轉鴻鈞暫舒難後將枯眼且領愁邊漸
壯身憶昔紅顏承綵服于時黃髮映綸巾久依
淮賦攀藜桂實倚莊年祝大椿韋氏一經傳籍

籍謝庭諸從雅彬彬太玄晚出烏曾與堅白初
鳴馬失真星聚高陽誇漢代雪操郢調俯巴人
色分照乘珠爭麗價重傾都璧共珍直役羣靈
開黯澹冥搜萬象鬪嶙峋東山雲月扶碁局北
海樽壘列搢紳蒯鋏勞歌羞自薦布衣游俠可
知貧王孫朱邸陪飛蓋丞相雕輿醉吐茵借客
報讎懷郭解同名驚坐類陳遵琉璃屏設回清
夜玳瑁筵張矯上春窈窕樓臺圍繡箔狹斜桃
李競芳塵溫柔鄉裏渾怡老博塞場中動及旬

丘壑崎嶇憑蠟屐鸞花商略引籐輪會稽祕穴
遙探禹岱山嶽蒼松尚記秦日耀若華丹燄發湖
縣孤鏡翠紋勻素王舊壁窺遺簡赤帝頽宮弔
積燐六六霞標橫嶂起泠泠秋籟向空陳蓮池
作社容中聖芝檢司封備外臣青翰峩珂惟載
石紫毫的皪徧鐫珉弱齡儒術兼通隱幾載詞
流并放民詎謂鵬臨占巧應遂令烏養意難伸
纔聽蒿薤催魂逝乍植枌榆屬望頻懷國夢殘
那 是主竹林交散總無賓圖書颯爽精疑在劍

鳥趨隨跡未湮腸斷官梅猶索笑手栽陶柳盡
含顰重來願擬歸遼鶴濡沫寧周涸轍鱗敢負
鷓鷯生有種業銷鷄骨死爲隣滄桑倏忽工浮
世電泡逡巡結幻因屈指戟門堪網雀降心甕
牖習籠鶉何嫌落穆形骸異早分遭迴泣血屯
徑草慣宜淹仲蔚鬢絲先已見安仁藜閒僂仗
偏違向蒲厭徵車似避申輦下三千勞對牘鑪
頭十萬儘輸緡斐然狂簡聊投黨卓爾襟期頗
絕倫狙喜衆情原鹵莽全斯道豈溜磷忘憂
護樹冰霜厲行樂荆枝雨露均物往謀甘成畫
虎吾窮志合託書麟材緣擁腫慙文本病得支
離受束薪莫長堯階頒甲子蘭塞楚澤誦庚寅
雄譚面若嗤河伯雌守從聃養谷神勃宰嚮殊
稱理窟洗洋近稍徹迷津蛾眉也解能耍妬龍
性尋常不易馴儻就瑤編藏二酉况逢玉燭協
三辰野夫終把連鰲釣汝輩還看獨爾綸

送時甫叔判蜀州七言十韵

初征冠蓋拂雲霄出祖寒城十月朝圖會魚鳧

風壤異經占象馬水程遙清時佐吏多名士重
譯蠻王款 聖朝雅使府曹惟畫諾預知民俗
有歌謠案頭峨眉嶺三春雪筆底巴江萬里潮奠
桂碧鷄陳舊祀飲桐么鳳集新條光含石鏡秋
常滿聲老琴臺暮寂寥送客官梅動詩興懷鄉
林竹隔游鑣西州不久懸刀夢北闕分明見斗
杓欲買扁舟上三峽郫筒酒美定須招

壽南川從父七十

四歷清朝七十逢布衣祭酒領吾宗莫留六葉
乘春令橘富千頭比素封把臂林深狂倚竹擁
衾濤發愛聞松裝分諸子惟餘劍遊止家山不
杖筇窸窣爲園金作谷傀俄因酒玉名峰隱成
吳市猶携婦家有秦聲亦勞農可但芝泥承寵
渥后車黃髮尚堪從

任丘劉太公太夫人壽章

齊眉皓首重儀刑舊德相傳有一經家挺鳳毛
俱五色枕藏鴻寶白千齡青蔥玉樹春長在縹
碧金莖露乍零簡要持衡推晉室夤清典禮在

虞廷桃開海國初，
實桂折燕山欲吐馨。
紫殿近聞占太史，
女須交映老人星。

池陽余通議公八十是月，
皇太孫誕生。

三朝出入沐，
恩私猶向清霄著。
羽儀曾拔滯，
才懸藻鏡共傳直。
道擬朱絲鬱林片，
石裝歸橐炎海單。
符定亂師臨壯崢嶸，
冠豸早行年矍鑠。
杖鳩遲峰開九朶，
金蓮萼庭茁千尋。
玉樹枝繡佛長齋，
酣爲客紅牙小拍譜。
從兒閒尋舊社徵，
耆會自秩初筵賦。
抑詩八有八十自述詩，
翔鳳佇瞻扶。

輦日非熊今值鈞璜期，
緹葭占候陽回布銅狄。
摩娑歲不知，
况復重光歡奏。
御定應憲老飭新規。

壽義興蔣建昌使君。
公初令宜春入闈掄士令子孝廉君方偕

北計

留都會識省郎賢，
五馬脩然解郡年。
陽羨茶香壺紫片，
麻姑酒美釀紅泉。
登臨濟勝辭鳩杖，
緡閱乘閒理蠹編。
已見一經承舊德，
始從六袞賦初筵。
西江師座鵷班集，
北闕名家雁塔傳。
料闢

鹿裘石室集卷二十一
元卿三徑就可容二仲得周旋

鹿裘石室集卷第二十一終

